

## ՊԱՅՄԱՆԱԳԻՐ

### ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ N ՏՄԱԿ 2025-14

Ք. Երևան

«7» փետրվար 2025 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետև՝ պետական մարմին), ի դեմս գլխավոր քարտուղար՝ Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Երևանի թիվ 1 տարածքային մանկավարժահոգեբանական աջակցության կենտրոն» ՊՈԱԿ-ը, ի դեմս տնօրենի պարտականությունները կատարող Սիրանուշ Հակոբյանի, (այսուհետև՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետև՝ միասին՝ կողմեր), հիմք ընդունելով ՀՀ կառավարության 2024 թվականի դեկտեմբերի 27-ի «ՀՀ 2025 թվականի պետական բյուջեի կատարումն ապահովող միջոցառումների մասին» N 2060-Ն որոշումը (այսուհետև՝ որոշում), որոշման 1193. «Համընդհանուր ներառական կրթության համակարգի ներդրում» բյուջետային ծրագրի «11001. Մանկավարժահոգեբանական աջակցության ծառայություններ և կրթության առանձնահատուկ պայմանների կարիք ունեցող երեխաների կրթության կազմակերպմանն օժանդակող միջոցառումներ» միջոցառման (այսուհետև՝ ծրագիր) իրականացման նպատակով կնքեցին սույն պայմանագիրը (այսուհետև՝ պայմանագիր)՝ հետևյալի մասին.

#### 1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել որոշմամբ նախատեսված՝ մինչև 188533200 (Հարյուր ութսունութ միլիոն հինգ հարյուր երեսուններեք հազար երկու հարյուր) ՀՀ դրամ գումար (ներառյալ ԱԱՀ), իսկ կազմակերպությունը պարտավորվում է ծրագիրն իրականացնել որոշմամբ և պայմանագրով սահմանված կարգով՝ մանկավարժահոգեբանական աջակցության ծառայություններ մատուցելով ընդամենը 122 կազմակերպության 42638 սաներին, որից՝ 57 դպրոց (32280 աշակերտ), 58 ՆՈՒՀ (6778 երեխա) և 7 ՄԿՈՒ (3580 ուսանող):

Ծրագրով նախատեսված՝ կազմակերպության կողմից իրականացվելիք միջոցառումները (այսուհետև՝ միջոցառումներ) ներկայացված են պայմանագրի անբաժանելի մասը կազմող հավելվածում:

#### 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

##### 2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական մարմինների միջոցով) ստուգել կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն պայմանագրի կատարման ընթացքի մասին,

2.1.3. պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների





անհատույց վերացման ողջամիտ ժամկետ, և կազմակերպությունից պահանջելու վճարել պայմանագրի 5.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ պայմանագրի 5.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջել հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջաջառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից պայմանագրի պահանջները չկատարելու դեպքում դադարեցնել ֆինանսավորումը՝ մինչև թերությունների վերացումը,

2.1.6. կազմակերպության կողմից պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերկատարման դեպքում պահանջել հետ վերադարձնել համապատասխան չափով հաշվարկված գումարը, կամ նշված գումարի չափով պակասեցնել հետագա տարիների ֆինանսավորումը, կամ հետագա տարիների պայմանագրերով պարտավորեցնել լրացնել ոչ ֆինանսական ցուցանիշների թերկատարումը,

2.1.7. պայմանագրի 2.4.4-րդ կետում նշված ժամկետներում կազմակերպության կողմից կատարողական հաշվետվությունները չներկայացնելու դեպքում ժամանակավորապես դադարեցնել գումարի տրամադրումը,

2.1.8. պայմանագիրն օրենքով կամ պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջել ընդունել պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջել վերացնել կազմակերպության գործողություններից (անգործությունից) անկախ՝ պետական մարմնի մեղքով պայմանագրի կատարման համար առաջացած խոչընդոտները կամ վերանայել պայմանագրի պայմանները,

2.2.3. իրականացված միջոցառման արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծել պայմանագիրը՝ պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,



2.3.2. կազմակերպությունից ընդունել պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառման մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման կազմակերպությանը՝ լրամշակման համար սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել պայմանագրով նախատեսված այլ աշխատանքներ:

#### **2.4. ԿԱԶՄԱԿԵՐՊՈՒԹՅՈՒՆԸ պարտավոր է՝**

2.4.1. պայմանագրով նախատեսված ֆինանսական միջոցներն օգտագործել ծրագրով և պայմանագրով սահմանված նպատակներով ու չափաքանակներով՝ համաձայն պայմանագրի 1.2-րդ կետի,

2.4.2. ժամանակին, պատշաճ ձևով ու կարգով կատարել պայմանագրի 1.2-րդ կետով նախատեսված միջոցառումները,

2.4.3. պայմանագրով սահմանված պարտավորություններն իրականացնել գործող իրավական ակտերի, պետական մարմնի կողմից հաստատված կամ տրամադրված մեթոդական ցուցումների, հրահանգների պահանջներին համապատասխան,

2.4.4. պետական մարմնին անհապաղ հայտնել պայմանագրի կատարման համար առաջացած խոչընդոտների մասին և միաժամանակ ձեռնարկել հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.5. պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.7. մինչև յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով՝ մինչև հաջորդ տարվա հունվարի 25-ը ներկայացնել իրականացված միջոցառումների վերաբերյալ կազմակերպության կատարողական հաշվետվությունները: Կազմակերպությունը պատասխանատվություն է կրում հաշվետվությամբ ներկայացված տվյալների հավաստիության համար,

2.4.8. իրականացնել ծրագրի շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.9. պետական մարմնին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,



2.4.10. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.11. միջոցառման իրականացման համար անհրաժեշտ ապրանքները, աշխատանքները և ծառայությունների ձեռքբերումն իրականացնել աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով և/կամ ՀՀ աշխատաքային օրենսգրքով սահմանված սահմանված կարգով,

2.4.12. չծախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2025 թվականի դեկտեմբերի 25-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո,

2.4.13. պայմանագրով նախատեսված միջոցառումների տարեկան արդյունքները թերակատարելու դեպքում համապատասխան չափով գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատաքային օրը:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Պայմանագրի 1.1-ին կետում նշված գումարը պետական մարմինը կազմակերպությանն է վճարում ՀՀ կառավարության 2024 թվականի դեկտեմբերի 27-ի N 2060-Ն որոշմամբ նախատեսված եռամսյակային համամասնություններին համապատասխան՝ պայմանագրի 2.4-րդ կետում նշված հաշվետվությունն ընդունելուց հետո:

3.2. Պայմանագրի 1.1-ին կետում նշված գումարը կազմակերպությանը վճարվում է կազմակերպության բանկային հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ պայմանագրով սահմանված ցուցանիշներն ու պայմանները խախտելու դեպքում պետական մարմինն իրավունք ունի վերանայել պայմանագրի 1.1-ին կետում նշված գումարի չափը և դրա վճարման ժամանակացույցը:

### **4. ՊԱՅՄԱՆԱԳՐԻ ԺԱՄԿԵՏԸ**

4.1. Պայմանագիրն ուժի մեջ է մտնում կողմերի ստորագրման պահից, տարածվում է 2025 թվականի հունվարի 3-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1. Կազմակերպությունը պատասխանատվություն է կրում պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2. Պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված



պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

5.3. Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ 0,05 (զրո ամբողջ հինգ հարյուրերորդական) տոկոսի չափով: Տույժը հաշվարկվում է աշխատանքային օրերով՝ Պայմանագրի չկատարված մասի գնի նկատմամբ:

5.4. Պայմանագրի 5.2-րդ և 5.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում կազմակերպությանը վճարման ենթակա գումարների հետ:

5.5. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ՄՈՆԻԹՈՐԻՆԳԸ

6.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

6.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

6.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և կատարվում են առաջարկություններ:

6.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

6.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:



**8. ԵԶՐԱՓՈՒԹՅԱՆ ԴՐՈՒՅԹՆԵՐ**

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

**9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ**

**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի և սպորտի նախարարություն  
ք. Երևան, Վազգեն Սարգսյան 3,  
Կառավարական տուն 2  
ՀՀ ՖՆ գործառնական վարչություն  
Հ/Կ 900011005429  
ՀՎՀՀ 02698732

գլխավոր քարտուղար



**ԿԱԶՄԱԿԵՐՊՈՒԹՅՈՒՆ**

«Երևանի թիվ 1 տարածքային մանկավարժա. աջակցության կենտրոն» ՊՈԱԿ  
ք. Եր., Նորք-Մարաշ, Նորքի այգիներ /Շ/ 247  
ՀՀ ՖՆ գործառնական վարչություն  
900018005208  
01507904

տնօրենի պարտականությունները կատարող



Ս. Հակոբյան  
(ստորագրություն) Կ.Տ.



**ՄԻՋՁՅԱՌՈՒՄՆԵՐ**

1193. «Համընդհանուր ներառական կրթության համակարգի ներդրում» բյուջետային ծրագրի  
կրթության կազմակերպման օժանդակող միջոցառումներ»

Հ/Հ	Միջոցառումների անվանումը	Համառոտ բովանդակությունը	Գնահատման ցուցանիշներ, չափման միավոր	Ակնկալվող արդյունքներ և վերջնաժամկետներ				
				Բն. 1 31.03.2025թ.	Բն. 2 30.06.2025թ.	Բն. 3 30.09.2025թ.	Բն. 4 30.12.2025թ.	
1.	Կրթության առանձնահատուկ պայմանների կարիքի (ԿԱԿԿ) գնահատում	Երեւայի կրթության առանձնահատուկ պայմանների կարիքի գնահատում տարածքային մակարդակի վրա կենտրոնի կողմից սպասարկվող ուսումնական հաստատություններում:	ԸՆԴԱՍԵՆԸ	97	211	348	455	
			ԿԱԿԿ գնահատումների թիվը, մարդ (ՆՈՒՀ)	35	85	125	140	
			ԿԱԿԿ գնահատումների թիվը, մարդ (Դպրոց)	35	95	185	265	
			ԿԱԿԿ գնահատումների թիվը, մարդ (ՄԿՈՒ)	27	31	38	50	
			ԸՆԴԱՍԵՆԸ	1050	1095	1120	1165	
			ԿԱԿԿ ունեցող երեխաների թիվը, մարդ (ՆՈՒՀ)	176	196	206	226	
			ԿԱԿԿ ունեցող երեխաների թիվը, մարդ (Դպրոց)	874	899	914	939	
			ԿԱԿԿ ունեցող երեխաների թիվը, մարդ (ՄԿՈՒ)					
			ԸՆԴԱՍԵՆԸ	22	56	84	102	
			Ուսումնական հաստատությունների թիվը, որտեղ իրականացվելու են վերապատրաստումներ, հատ ՆՈՒՀ/	8	19	29	38	
3.	Կարողությունների զարգացում/ վերապատրաստումներ	Տարածքային մակարդակի վրա կենտրոնի կողմից սպասարկվող ուսումնական հաստատություններում մասնագետների և մանկավարժների կարողությունների զարգացման վերապատրաստման դասընթացների կազմակերպում և իրականացում:	Ուսումնական հաստատությունների թիվը, որտեղ իրականացվելու են վերապատրաստումներ, հատ ՆՈՒՀ/Դպրոց/	14	33	48	57	
			Ուսումնական հաստատությունների թիվը, որտեղ իրականացվելու են վերապատրաստումներ, հատ ՆՈՒՀ/		4	7	7	
			Ուսումնական հաստատությունների թիվը, որտեղ իրականացվելու են վերապատրաստումներ, հատ ՆՈՒՀ/					7





			ԸՆԴԱՄԵՆԸ	31	75	124	169
			Վերապատրաստումների թիվը, հատ /ՆՈւՀ/	10	22	34	49
			Վերապատրաստումների թիվը, հատ /Դպրոց/	21	49	83	113
			Վերապատրաստումների թիվը, հատ /ՄԿՈՎ/		4	7	7
			<b>ԸՆԴԱՄԵՆԸ</b>	<b>358</b>	<b>873</b>	<b>1430</b>	<b>1930</b>
			Վերապատրաստվող անձանց թիվը, մարդ /ՆՈւՀ/	102	231	358	514
			Վերապատրաստվող անձանց թիվը, մարդ /Դպրոց/	256	593	991	1335
			Վերապատրաստվող անձանց թիվը, մարդ /ՄԿՈՎ/		49	81	81
4.			<b>ԸՆԴԱՄԵՆԸ</b>	<b>54</b>	<b>75</b>	<b>80</b>	<b>95</b>
			Ուսումնական հաստատությունների թիվը, որտեղ իրականացվելու են խորհրդատվություններ, հատ /ՆՈւՀ/	15	30	35	40
			Ուսումնական հաստատությունների թիվը, որտեղ իրականացվելու են խորհրդատվություններ, հատ /Դպրոց/	37	42	42	50
			Ուսումնական հաստատությունների թիվը, որտեղ իրականացվելու են խորհրդատվություններ, հատ /ՄԿՈՎ/	2	3	3	5
			<b>ԸՆԴԱՄԵՆԸ</b>	<b>224</b>	<b>533</b>	<b>668</b>	<b>1071</b>
			Խորհրդատվությունների թիվ, հատ /ՆՈւՀ/	65	130	165	350
			Խորհրդատվությունների թիվ, հատ /Դպրոց/	153	394	494	703
			Խորհրդատվությունների թիվ, հատ /ՄԿՈՎ/	6	9	9	18
			<b>ԸՆԴԱՄԵՆԸ</b>	<b>760</b>	<b>1581</b>	<b>1886</b>	<b>2857</b>
			Խորհրդատվություններ ստացող անձանց թիվը, մարդ /ՆՈւՀ/	130	260	345	500
			Խորհրդատվություններ ստացող անձանց թիվը, մարդ /Դպրոց/	620	1305	1525	2335
			Խորհրդատվություններ ստացող անձանց թիվը, մարդ /ՄԿՈՎ/	10	16	16	22

Մանկավարժափոփոխական  
աջակցության ծախսերի  
մատուցում ուսումնական  
հաստատությունների  
մանկավարժական աշխատողներին,  
սովորողների ծնողներին

Խորհրդատվություն



5.	Մշտադիտարկում	Մանկավարժահոգեբանական աջակցության ծառայությունների և դպրոցական և նախարարացրոցական մակարդակի գնահատման գործընթացների մշտադիտարկում տարածքային մանկավարժ-հոգեբանական կենտրոնի կողմից սպասարկվող ուսումնական հաստատություններում:	ԸՆԴԱՄԵՆԸ	53	103	134	206
			Մշտադիտարկումների թիվը, հատ /ՆՈՒՀ/	21	40	57	80
			Մշտադիտարկումների թիվը, հատ /Դպրոց/	29	56	69	112
			Մշտադիտարկումների թիվը, հատ /ՄԿՈ/	3	7	8	14
			Ուսումնական հաստատությունների թիվը, որտեղ ապահովելու են միջակայքային հարմարեցումներ, հատ /Դպրոց/				14
6.	Ֆիզիկական միջակայքի հարմարեցումների ապահովում տարածքային մանկավարժահոգեբանական կենտրոնի կողմից սպասարկվող ուսումնական հաստատություններում:	Ֆիզիկական միջակայքի հարմարեցումների ապահովում տարածքային մանկավարժահոգեբանական կենտրոնի կողմից սպասարկվող ուսումնական հաստատություններում:	ԸՆԴԱՄԵՆԸ	76	76	76	81
			Ուսումնական հաստատությունների թիվը, որտեղ ապահովելու են ինքնավար հարմ-ներ, հատ /ՆՈՒՀ/	31	31	31	31
			Ուսումնական հաստատությունների թիվը, որտեղ ապահովելու են ինքնավար հար-ներ, հատ /Դպրոց/	45	45	45	50
			ԸՆԴԱՄԵՆԸ	966	966	1056	1056
			Ինքնավար հարմարեցումներ ստացած տիպոլոգիների թիվը, մարդ /ՆՈՒՀ/	147	147	177	177
7.	Ինքնավար հարմարեցումներ	Ինքնավար հարմարեցումների ապահովում տարածքային մանկավարժահոգեբանական կենտրոնի կողմից սպասարկվող ուսումնական հաստատություններում:	Ինքնավար հարմարեցումներ ստացած տիպոլոգիների թիվը, մարդ /Դպրոց/	819	819	879	879
			ԸՆԴԱՄԵՆԸ	188533200			

**Ընդամենը պահանջվող գումարը (դրամ)**

**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի և սպորտի նախարարություն  
 Բ. Երևան, Վազգեն Սարգսյան 3,  
 Կառավարական տուն 2  
 ՀՀ ՖՆ գործառնական վարչություն  
 Հ/Հ 900011005429  
 ՀՎՀՀ 02698732



Հ. Հակոբյան  
 (ստորագրություն) Կ.Տ

**ԿԱՋՄԱԿԵՐ ՊՈՒՈՅՈՒՆ**

«Երևանի թիվ 1 տարածքային մանկավարժաի. աջակցության կենտրոն» ՊՈԱԿ  
 ք. Եր., Լորք-Մարաշ, Լորքի այգիներ /Ե/ 247  
 ՀՀ ՖՆ գործառնական վարչություն  
 900018005208  
 01507904



Հ. Հակոբյան  
 (ստորագրություն) Կ.Տ

Կենտրոնի պատրաստությունները կատարող՝



May 1861  
J. M. [unclear]  
[unclear]

James M. [unclear]